


Lesson 6 for November 8, 2025



O LE FILI O LOO I TOTONU







"O A'u o Ieova o
Lē su'esu'e i le
loto, o Lē
tofotofo i manatu,
ina ia tuuina atu i
tagata ta'itasi e
tusa foi ma le fua
o ana amioga"

Ieremia 17:10

Ina ua uma se togafiti faa-militeri, ona soloia ai lea o pa o leriko. Ua ulu atu Isaraelu i le aai ma faaumatia ma ua tafia e oo i le eleele. Ua Manumalo! O ai ea? O le Atua, ona e itiiti lava se mea na faia e Isaraelu.

Na ua maea se togafiti na faufauina lelei a le militeri, ae na manumalo ai 'Ai. Faatoilaloina! E ala ia te ai? Ona o tagata lava o Isaraelu, ona latou te le'i faalagolago i le Atua.

Mulimuli ane ina ua latou fesiligia le Atua, e le'i sesē lava le tali: ua agasala Isaraelu ma ua le mafai ai ona faatoilaloina o latou fili. E mafai faapefea ona toe faamalieina le finagalo o le Atua? Ana au faatasi le Atua ma Isaraelu, o ai se faasagatau mai?



-  O le mafuaaga na toilalo ai (Iosua 7:1-5, 10-13)
-  Dismayed and afflicted (Iosua 7:6-9)
-  Ua maua le tagata solitulafono (Iosua 7:14-19)
-  O le agasala a Akana (Iosua 7:20-26)
-  Ua toe maua le manumalo (Iosua 8:1-29)


O LE MAFUAAGA NA TOILALO AI

“Ua agasala Israelu; ua tumavaega foi i latou i La’u feagaiga na Ou fai atu ai ia tei latou, aua ua ave e i latou ni mea ai mea ua faatoina, ua latou gaoi, ma faaoleole foi, ma tuu ai lava i ai latou mea” (Iosua 7:11)

Ina ua uma se ripoti moomia mai i tagata asiasi na auina atu i Ieriko, na fesootai atu ai Iosua i le Atua ma maua mai ai se ata o se fuafuaga e avea ai lea aai


Pe ana faapea, ina ua uma ona maua le ripoti mai i tagata asiasi na auina atu i ‘Ai, ae sa faapena foi ona faia e Iosua, semanu o le a le oo le oti i tagata nei e 36 (Iosua 7:1-5).

Ae o le a se mafuaaga moni lava o le toilalo, poo le a se mafuaaga na fetalai atu ai le Atua ia Iosua ina ia ‘aua ne’i osofa’ia ‘Ai? (Iosua 7:11)



Na silafia e le Atua ua “agasala Israelu.” E leai se tasi mea i le Tusi Paia o loo faamatalaina mai ai se agasala i ni uiga faapea: “ua latou soli... ua latou ave... ua latou gaoi... ua latou pepelo... ua latou tuuina atu i latou faatasi ma a latou lava mea totino.”

Matau mai le numera tele. O le agasala na faia e le tagata e to’atasi, ae sa tuua’ia e le Atua tagata uma, fai mai ua latou solia le feagaiga; o le agasala e tatau ona lia’ieseina, ina ia mafai ona toe fuata’ina.



UA ATUATUVALE MA PUAPUAGATIA

"Ua fai atu foi Iosua, 'Aue!, le Alii e, Ieova, se a ea lea mea ua E faaoo mai ai lenei nuu i lenei itu o Ioritana e tuuina atu i matou i le lima o sa Amori, ia faaumatia ai i matou? E, ana matou fia nonofo i le la itu o Ioritana!' " (Iosua 7:7)



Sa atuatuva le Iosua ma toeaina ona o le toilalo iā 'Ai, ma sa manino lava ni faailoga na faaalua ai lo latou faanoanoa (Iosua 7:6).

Ona tali atu lea o Iosua ma le ita tele e tusa ma le tali e masani ai ona fai soo e Israelu i le 40 tausaga a'o latou taase ai i le vao: "Aisea ua e faaoo mai ai i matou...? Ana matou fia nonofo lava i le la itu...!" (Iosua 7:7).

Peitai, e le tutusa le agaga o Iosua ma loto o tagata Israelu ao i ai i le toafa. O lana faitioga e lei mafua ona o se le fiafia, a'o lona mata'u nei mata'uleagaina le suafa o le Atua i tagata o Nuuese (Iosua 7:8-9).

Sa ia vaai lelei ma le toto'a ona o le a faauigaeseina e tagata lē talitonu le amio a le Atua ona o amioga a Ona tagata. O ona aso nei, o loo faaauau ai pea ona avea o'i tatou ma molimau a le Atua i le lalolagi. O se auaunaga sili lea e mafai ona tatou faia!



O LE MAUAINA O LE TAGATA SOLITULAFONO

“E faalatalaina mai foi outou a ituaiga a taeao; o le ituaiga e maua e Ieova, ia sau a aiga; o le aiga foi e maua e Ieova, ia faalatalata mai a puiaiga; o le puiaiga e maua e Ieova ia faalatalaina mai ai ona tagata taitasi.” (Iosua 7:14)

Ina ia aveesea le agasala fai faalauaitele (o le ta’usalaina lea o tagata uma), e tatau ona aveesea le tagata agasala (Iosua 7:15). Aveesea? Pe le faamagaloina ea o ia pe afai e salamō? E moni o le a la faia lava! Ae e lei faaalua e Akana se faailoga o se salamo faamaoni (ma sa telē lava se avanoa na te faia ai).



Na faalauiloa atu le su’esu’ega ma tolopoina se’ia oo i le aso e sosoo ai (Iosua 7:14-15)

Sa ffilemu Akana

Ua maua le ituaiga o luta (Iosua 7:16)

Sa ffilemu Akana

Ua maua le aiga o sa Serā (Iosua 7:17a)

Sa ffilemu Akana

Ua maua le taitai o Sapata (Iosua 7:17b)

Sa ffilemu Akana

Ua maua Akana (Iosua 7:18)

Sa ffilemu Akana

Sa atagia le alofa ma le agalelei faale-lagi, na talosaga atu ai Iosua ia Akana ina ia ta’uta’u lana agasala (Iosua 7:19).

Ua uma le avanoa o Akana. Na ia ta’uta’u, ae na te lei talosaga atu mo se faamagaloga (Iosua 7:20). Peitai na faanoanoa le Atua ona o lona loto maaa, na faaalua i taimi uma na valaau ai ina ia lagona sona loto salamō






O LE AGASALA A AKANA

“Na ou iloa i le vete o le tasi ofu Senara e lelei, ma sekeli ario e lua-selau, ma le potopotoga auro e lima sefulu o sekeli o lona mamafa lea, na ou manao i ai, ona ou ave ai lea; faauta foi ua tanumia i le eleele i totonu o lou faleie, o le ario foi ua laulalo ai” (Iosua 7:21)

Sa fai atu Iosua ia Akana ia avatu i le Atua le viiga ma ta’uta’u atu lana agasala (Iosua 7:19). O lona avanoa mulimuli lea. Pe anafai, na te ta’uta’u atu, o le a ia ole atu ai mo se faamagaloga... Ae na te le’i faia, ma ua leai lava se faamagaloga mo ia (Numera 15:30-31).

E pei o Eva, o Akana na “vaai,” na “mana’o,” ma na “ave,” ma o lana agasala na aafia ai le toatele (Kenese 3:6). E pei o Anania ma Safaira, na ave e Akana nisi o mea ua faatoina e le Atua ma e i ai lava le totogi mo ia mea (Galuega 5:1-2).



O filifiliga na faia e Akana i Ieriko, sa matuā ese mai lava nai lo filifiliga na faia e Raava:

Ra’ava

Na ia faalafi tagata asiasi i luga o le tualuga

Na ia faatino le agalelei ia Isaraelu

Sa ia fiafia i le manumalo ona o lona faatuatua

Na ia faia se feagaiga ma Isaraelu

Na ia faasa’oloto lona lava ola faapea ma lona aiga uma

Akana

Na ia natia le vete i le eleele

Na ia aumaia faafitauli ia Isaraelu

Na mafua ona toilalo ona o ana galuega

Na ia solia le feagaiga a Isaraelu

Na oti faatasi o ia ma lona aiga

MAI LE TOILALO I LE MANUMALO

"Ua fetalai mai Ieova ia Iosua, 'Aua e te fefe, aua e te mata'u, tou te o ma 'au uma o le taua, ia tulai, ma alu a'e i 'Ai; faauta, ua Ou tuuina i ou lima le tupu o 'Ai, ma ona tagata, ma lana aai, ma lona laueleele.'" (Iosua 8:1)



E pei o Ieriko, na saunia e le Atua se fuafuaga ina ia manumalo ai Iosua ia 'Ai (Iosua 8:1-2).

I le taimi o le po, na faia ai se osofa'iga faafuasei i tua o le aai. I le vaveao, na o atu ai le 'autau ia 'Ai ma faafoliga mai o le a toe sosola ese mai i o latou luma.

A'o sisii i luga e Mose lona tootoo se'ia oo ina manumalo i tagata o Amaleka, i le faatonuga a le Atua, na faaloaloa ane foi e Iosua lana "a'upega" e tusa o le faatonuga a le Atua (o lea aupega o se faailoga o le taitaiga ma le pule), sa faaauau pea ona sisii a'e se'ia oo ina manumalo a'ia'i (Iosua 8:18-22, 26). E moni lava na tuuina atu e le Atua le avanoa e manumalo ai ma ua latou talitonu foi o le Atua lava na aumaia le manumalo i a'i latou.

Ua toe tuu atu e le Atua le manumalo i Ona tagata. O le Vanu o Akori, na fasiotia ai Akana ma lona aiga, ma tatalaina ai le faitotoa o le manumalo, o se "faitotoa e faamoemoe i ai" (Hosea 2:15).

Pe a tatou talia le faamagaloga faale-lagi e ala i le faatuatua, ona tanumia lea e le Atua o a tatou agasala i Akori, ma tatalaina le faitotoa i le faamoemoe



“O le faatosinaga e sili ona fefefe i ai le ekalesia e le ona o tagata tetee, e le ona o tagata le talitonu, poo tagata fai upu leaga, a’o tagata o le Atua o e fai mai oi latou o Kerisiano, a’o olaga ma amioga e le o gatusa ma lo latou talitonuga. E ta’uvalea ma le tupu ai le galuega a le Atua. Oi latou foi nei o loo taofia ai faamanuiaga a le Atua o Israelu ma aumaia le faavaivai i le ekalesia, o se faalumaina e le faigofie ona tafiesea pe soloiesea...

E le na’o le Sapati e faa-Kerisiano-ina ai pe na’o na faaalua foi i le malumalu; ae mo aso uma o le vaiaso e oo lava i nofoaga uma e te i ai, e tataua ona faaalua ai amioga a le Kerisiano. E tataua ona aloa’ia ma usita’ia ni aoaoga, i totonu o aiga, faapea foi i feua’iga o pisinisi ma le au uso ma le lalolagi...”